



INSTRUKCIJA

o načinu identifikacije i glasanja birača na odgođenim izborima u osnovnim izbornim
jedinicama Fojnica, Kiseljak, Kreševo i Konjic

Na osnovu člana 2.9 stav (1) tačka 2. i člana 14.2 Izbornog zakona Bosne i Hercegovine (“Službeni glasnik BiH”, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 18/13, 7/14, 31/16, 41/20, 38/22, 51/22, 67/22 i 24/24) i Odluke o raspisivanju i održavanju Lokalnih izbora 2024. godine u osnovnim izbornim jedinicama Fojnica, Kiseljak, Kreševo i Konjic broj: 05-1-07-1-2865-4/24 od 10.10.2024. godine, Centralna izborna komisija Bosne i Hercegovine je na 85. sjednici, održanoj 17.10.2024. godine, donijela

INSTRUKCIJU

o načinu identifikacije i glasanja birača na odgođenim izborima u osnovnim izbornim jedinicama Fojnica, Kiseljak, Kreševo i Konjic

Član 1. (Predmet)

Instrukcijom o načinu identifikacije i glasanja birača na odgođenim izborima u osnovnim izbornim jedinicama Fojnica, Kiseljak, Kreševo i Konjic (u daljem tekstu: Instrukcija), reguliše se način identifikacije birača kojima su u elementarnim nepogodama uništeni lični dokumenti, te način ostvarivanja biračkog prava birača koji su evakuisani ili ostali u ugroženim područjima.

Član 2. (Način ostvarivanja biračkog prava birača kojima su uništeni identifikacioni dokumenti)

- (1) Birač kojem su u elementarnoj nepogodi na području osnovnih izbornih jedinica Fojnica, Kiseljak, Kreševo i Konjic uništene lične isprave, svoje biračko pravo može iskoristiti uz predočenje obrasca lične karte s fotografijom (LK-OI-4), izdatog od strane nadležnog ministarstva unutrašnjih poslova.
- (2) Za izdavanje obrasca lične karte s fotografijom LK-OI-4 neophodno je da se birač lično obrati nadležnom ministarstvu unutrašnjih poslova, te izvrši prijavu da su mu uništeni identifikacioni dokumenti, na osnovu čega će mu biti izdat obrazac lične karte s fotografijom LK-OI-4.
- (3) Izborna komisija osnovne izborne jedinice na čijem području se nalaze birači iz stava (1) ovog člana dostavit će odmah podatke Centralnoj izornoj komisiji Bosne i Hercegovine o biračkim mjestima na kojima su upisani birači kojima je potrebno izdavanje obrasca lične karte s fotografijom LK-OI-4.

Član 3. (Način glasanja birača s evakuisanih područja)

- (1) Za potrebe glasanja birača koji su evakuisani s područja biračkih mjesta Jasenik 127A029, Džanići 127A031 i Gornje Višnjevce 127A041 izborna komisija osnovne izborne jedinice Konjic odredit će nove lokacije biračkih mjesta na kojima će birači ostvariti svoje biračko pravo, te obavijestiti birače o određenim novim lokacijama biračkih mjesta.
- (2) Neevakuisani birači s biračkih mjesta Jasenik 127A029 (75 neevakuisanih birača od 229 upisanih birača), Džanići 127A031 (68 neevakuisanih birača od 271 upisanih birača) i Gornje

Višnjevice 127A041 (60 nevakuisanih birača od ukupno 169 upisanih birača) svoje biračko pravo ostvarit će putem šest (6) mobilnih timova.

- (3) Gradska izborna komisija Konjic formirat će šest (6) mobilnih timova, te izvršiti obilježavanje birača na izvodu iz Centralnog biračkog spiska za biračka mjesta navedena u stavu (1) ovog člana na način da u rubriku za potpis upiše „MOBILNI TIM“.
- (4) Centralna izborna komisija Bosne i Hercegovine dostavit će izborni materijal za rad šest (6) mobilnih timova, osim glasačkih listića koji će se izuzeti iz kontingenta glasačkih listića s biračkih mjesta utvrđenih u članu 3. stav (1) ove Instrukcije dan uoči održavanja izbora, prilikom primopredaje izbornog materijala.
- (5) Evidentiranje broja izuzetih glasačkih listića i sastavljanje Zapisnika obaviti će komisija koju sačinjava birački odbor u punom sastavu, mobilni timovi u punom sastavu, član izborne komisije osnovne izborne jedinice Konjic i ovlašteno osoblje Sekretarijata Centralne izborne komisije BiH.
- (6) Na sva pitanja koja se odnose na rad mobilnih timova, a koja nisu utvrđena ovom Instrukcijom primjenjuju se odredbe Poglavlja III. Mobilni tim Pravilnika o provođenju izbora u Bosni i Hercegovini (“Službeni glasnik BiH”, br. 31/24 i 43/24)

Član 4. **(Stupanje na snagu i objava)**

Ova Instrukcija stupa na snagu danom donošenja i bit će objavljena na zvaničnoj internet-stranici Centralne izborne komisije Bosne i Hercegovine, www.izbori.ba

Broj: 06-1-07-1-2865-6 /24
Sarajevo, 17.10.2024. godine



Dr. Esma Hadžić
Predsjednica